



Presbyterian Church in India (Reformed)  
**Messenger**  
Vol. XXI | No.03 | March 2012.

BIAKNA IN THUKHUN  
INKUAN HATSAK IN



Editor:  
Rev. Khen P. Tombing

**From:**

**The Editor  
PCI Messenger  
Presbyterian Church in India (Reformed)  
Head Office: New Lamka (H)  
Churachandpur - 795 128  
Manipur, INDIA  
(Box-32)**

**To:**

---

---

**BOOK POST**

# messenger

## Editorial Board

Editor

Rev. Khen P. Tombing

Jt. Editor

Rev. G. Pau Muanthang

Circular

C. Biaklun

Contact:

Rev. G. Pau Muanthang

☎ 8974957967

Head Office: PCI (R)

Box-32, New Lamka (H)

Churachandpur-795 128

Manipur, INDIA

website: [www.pcireformed.com](http://www.pcireformed.com)

## asunga thu omte -

**Bangziaka - 01**

**Biakna toh thukhun inkuan - 03**

**Toupa ah na muanna - 06**

**Gam mial aw - 08**

**Amah leh Pathian kal - 11**

**MLA election V/S Gospel - 14**

**Thu tuamtuum - 17**

**Pathian kiang tunni - 23**

Subscription fee:

**Kha khatin Rs. 10/-**

**Saptuam website thak:**

**<http://www.pcireformed.com>**

thupitak thuak numeite'n khamuanna leh Jesu Khrist a kitunding thakna aneih theihna dingin thumsak ni.

**March 21 (Nilaini)** United Nations thupuangu gendan in India gamsung a nitengin numei naungek 2000 zel nusung a om lai in thah hazel chi hi. Hiai bang chindan mulkim huai pen tawpsan a hih theihna dingin Pathian kiangah thum ni.

**March 22 (Ningani)** India gamsung a numei tunga tatsiatna sehthum suah sehkhate ahihle mou vanken ziaka kisoisakna leh kithahna hidan a suikhiat ahi. Hiai bang nasep semkhete'n Jesu Khrist a hotdamna a hon muh theihna ding un thum ni.

**March 23 (Sintawpni)** Saptuam in village skul i neihte laka khat N.E Khodungsei a saptuam leh school a dingin thumsak ni. Headmaster H. Gouminthang leh a seppih staff ten kuhkal leh lohchingtaka naupangte sinsakna a hon neih theihna ding un thumsak ni.

**March 24 (Kiginni)** Mr. Chin lian John, Zenhang Lamka Presbyterian Church, Zenhang Lamka in BD correspondence course in sinlel, lohchingtaka a hon zoh theihna dingin thumsak ni.

**March 25 (Pathianni)** Burma gama Khristiante mun khenkhat ah haksatna leh sawina thuak om uhi. A biktakin Kachin state sung buaina ziakin gingtute tamtak leng soisakin om a maute a dingin thum ni.

**March 26 (Seppatni)** Singtang loumate hoihtak a pat a septouh theih ahihna dingin thum ni. I kum khat kingakna i

singtang louma pen Pathian venna leh kepna toh gah hoihtak a hon suah theihna dingin thum ni.

**March 27 (Sepnawnni)** Village skul i neihte lak ua nih Mualnuam leh Songtal skulte ziakin Pathian kiangah kipahtu genni, huan ADC tungtawn a skul in hamphatna i tante gahsuah leh lohchingtaka sepkiak a hong hih theihna dingin thum ni.

**March 28 (Nilaini)** Village Skul i neihte Lungthul (L), Lungthul (T), Enpum, C. Tuiveljang, Maukot leh M. Tanglian skulte a dingin thumsakni. Naupangte lohching leh gahsuaha hong hihtheihna ding un Headmaster leh staff te adingin thumsak ni.

**March 29 (Ningani)** Village skul i neih louhna mun ua, skul naupang tuition scholarship a chawma omte a dingin thumni, a skul kainate uh a hon lohchin theihna dingin. Huan Tuition Scholarship leng piak zom ahihtheihna dingin thum ni.

**March 30 (Sintawpni)** Church Planting project tungtawn a biakinn kibawl lelte, Sunday school, leh Pastor quarter kibawite hoihtak leh lohchingtaka zoh ahih theihna dingin thumni.

**March 31 (Kiginni)** Tuni tukha a dia nitawpni tan honpi Pathian tungah kipahtu genni. Pathian muanna leh kipiakthakna toh khathak a amaha dia kal sangzaw tawi dingin thumni.

Church in leng tulel in Evangelical College of Theology, Nehru Marg ah, B.Th sin in omlel, lohchingtaka a hon zoh khiak theihna dingin thumpih ni.

**March 13 (Sepnawnni)** Israel gam milip khandan etin, Khristiante khanghatlou pen pawla chiamteh ahi. Judate 1.7% in khanga, Muslimte 2.7% in khanga himahleh Khristiante 0.9% kia in khang hi. Tulelin Khristian 154,000 Israel ah om lel hi. Amaute a dingin thumsak ni.

**March 14 (Nilaini)** Khovel a Khristian soisa gam tuamtuam etkhiakna lakah North Korea Khristian soisaknakpen gama chiamteh ahi. Huai zohin Afghanistan, Saudi Arabia, Somalia, Iran, Maldives, Uzbekistan, Yemen, Iraq, Pakistan, Eritrea, Laos leh Northern Nigeria te ahi. Hiai gamten Tanchin Hoih a hon neih theih na ding thumpih ni.

**March 15 (Ningani)** Iran Pastor Youcef Nadarkhani Jesu Khrist nosia a aginna taihsan leh suangkulh apan khah ding chih himahleh, Jesu mah a chih tinten ziakin suangkulh apan kha hilou hi. Amah a dingin thumsak ni.

**March 16 (Sintawpni)** Sudan gam a Pathian gam Tanchin Hoih nasepna dal leh hihbuai a om gige pen masawn zelin, tu in leng Ministry of Guidance and Religious Endowments in saptuam makaite vau in Tanchin Hoih puanzakna hih nawnlou ding leh, a min uleh a contact number te uh pe dingin vau uhi. Sudan gama dingtute

leh makaite adingin thumsak ni.

**March 17 (Kiginni)** Rev. Lian C. Tombing saptuam leh mimal support tute veh in USA ah om lel, a khaulzinna lohching leh gahsuah a hong hih theihna dingin thumpih ni.

**March 18 (Pathianni)** TV God Channel tungtawn a Tanchin Hoih puanzakna nasep hoihtaka apai touh theih zel ziakin Pathian kiangah kipahtu genni. A biktakin India gamsungah naktakin khang hi. Tulelin India mihing 30.2 million in hiai channel nei ua, khopi 200 vel ahi cable TV tungtawn a piak khiak ahi. Pathian kiangah kipahtugen in, thumsak ni.

**March 19 (Seppatni)** Manipur tel a India gamsunga state nga (Manipur, Uttar Pradesh, Uttarakhand, Punjab, leh Goa) MLA kitelna neih khit ahihtak manin kipahtu genni. Uttar Pradesh India politics a thunei mahmah leh MLA kia leng 403 nei ahih banah India state teng laka mihing tamna pen leng ahi hi. Pathian lalpen in government vaihawmna hoih leh kizen a hon dinkhiat na dingin thum ni.

**March 20 (Sepnawnni)** Tulai in India gamsung mun tuamtuam ah niteng phial in numei tunga tatsiatna uang mahmah, minute 29 teng in numei khat sualluih hazel, niteng in case kisaite lakah 50 te mou vanken diak chih ahi. Mihing gitlouna leh humhamna ziaka sihna leh misiatna

Editorial:

BANG ZIACA A PATHIAN THUPINA KILANGLOU?

Rev. G. Pau Muanthang



I mihing hihtheihna a ZERO masiah Pathian thupina a kilang ngei rengreng kei! Chi pah guap mawk le a khauh lawdeuh diam ah. Numei nau nei ding a vei taktak ma un na sa mahmah napi in mi'n a va khoihkhak dek chiang bangun a khut uh bang ana paihkhaksak vatvat a chi uhi. Himahleh a hun in honphak taktak chiangin bel sih leh hin kalah a hon nei khia ua, huai hun chet in bel amau hin khiak taktak sangin naudomte (nurse) kaihkhak/lakhiak ana hizaw daih hi. Hiai a chiang i sak zoh naikei leh, damlouna khoktak i tuak a, huai damna dingin damdawi nek thoh maimai in a hon zou nawn kei, a kap thoh in leng sawt a daih nawn kei. Maban a i lamet omsun tuh bang? Operation lounal a didan dang om nawnlou. Huchiin operation room i luta, ki-atna tau ah hon lumsak ua, hon houpih uh i saksak laiin bangmah i thei nawnkei. Hiai hun tak ahi, i mihing na a ZERO ka chih, huaibang hunin eilama pan theihna himhim, khophawkna himhim om nawnlou, huai chiangin ahi taksa damna i ngaha Daktorte thilhihtheihna leh siamna a hong kilat. Huchiin hun bangtan hiam nungin i khanglou a i kim leh kianga a mi pau hehu, i tanau sanggamte'n honna um kheukhou uh, i theih thakthak leh Surgical Ward a om ana kihi maimah. I taksa damna dingin leng hun tamtak ah Daktorte lak a i ZERO ngai ana hi maimah hi.

Awle, i gen ut pen tak tuh, a tunga i gen mah banga, i khalam damna ding leh i Khristian hinkhua a Pathian thupina i muha hong kilatna dingin i mihing hihtheihna i ZERO ngai ahi i chi nuam hi. Tuni in bangziaka i hinkhua a Pathian thupina kilang theiloua, Pathian thupina mu ngeilou i hiam i chih leh ei pen kihat law lai mahmah himai thei hi. Nang leh ken i hihtheih lai

teng, i hatluat laiteng Pathian in ei honsenin amah hong kidaihlah lou hi. Himahleh, eilam a suan ding himhim neilou, hihtheihna himhim i neih nawnlouh chiangin Pathian thupina hong kilang pan hi.

**1. Lazar (Johan 11):** Hiai Lai Siangthou sungah Lazar damlouna toh kisai i mu hi. Huai ah Lazar sanggam numei

Mari leh Martha lungkham leh beidongtak in a om uhi. Huchiin, Jesu Khrist hihdamna ding ngaihtuah in Jesu a vaikhak uhi. Himahleh Lazar damna dinga ahiththeihna bangmah neih nawnlouh nung un, Jesu hong kilanga Pathian thupina hong kilang hi.

**2. Kana kitenna (Johan 2):** Kana khua a kitenna ah leng Pathian thupina hong kilatna bang dang diak hilouin, mihing kisakhohlna leh hihtheihna a bei nung ahi maimah hi. Amau hihtheihna leh kisakhohlna tengteng ahong bei a bangmah a neih nawn louh Chiang ua "Pathian thuthu, a chih bangbang" a hih dinga ahong kiman Chiang un Pathian' thupina hong kilang pan hi.

**3. Bethsaida ( Jn. 5:2):** Kum sawmthumlehgiat vingveng damna ding lunggulhin amah hihtheihna teng a suah nunga, dil gei tung hamham, a tui kitoh chianga a tui sunga lut man ngei mahmahlou ahi. Amah thilhihtheihna leh hatna tengteng bangmahlou leh hitheilou ahi chih thei a Jesu kianga a kitahlut Chiangin damna a ngah hi.

**4. Peter Ngabetna (Luka 5:4):** Peter in amah hihtheihna teng

suahin jan khua in nga a benga, himahleh bangmah a man kei hi. Himahleh amah hihtheihna lampen bangmah hiloua, Jesu thu a hong gamtat a len a hon paih leh nga tampi hon man hi.

I hinkhua, insung, khotang leh saptuama Pathian thupina i muh ngeilouhna ziate lak ua poimoh mahmah khat tuh eilam mohna ana hi tangpi hi. Eilam ki hihniam zoulou, kisuawngthawl zoulou aki hi nak hi. A tunga i gen mi lite hinkhua a Pathian thupina hong kilat theihna diak poimoh mahmah tuh amau lam hihtheihna leh hatnate bangmahlou, leh Pathian telloua bangmah hihtheih neilou ahi uh chih hong kitheih ua, a ma a hong kitahniam Chiang kia un Pathian thupina hong kilang pan hi. Huaibang hithei dingin simtute TOUPAN hon vualjawl chiatta hen.

## **PATHIAN KIANG TUN NI**

**March 1 (Ningani)** Tuni kha thak mel hon musak i biak Pathian tungah kipahtu genin, huan amah deihna banga Thukhun Innkuan, Innkuan biakna toh hihhat dingin thumni.

**March 2 (Sintawpni)** Meitei Mission Field, Bualjang a Halhthakna Chialpi lohchingtaka zoh ahimanin Pathian tungah kipahtu genni. Huan, ginna a hong khangtoug ding mite thupih ni.

**March 3 (Kiginni)** Reformed Bible Institute saina in Upa training leh Constitution kisinsakna pai lel, lohching leh gahsuahtaka zoh ahiththeihna dingin thumpih ni.

**March 4 (Pathianni)** Upa training hunsungin Rev. vung D. Tombing, Rev. H. Chin Thiansong, Rev. Khen P. Tombing leh Rev. G. Pau Muanthangte sinsaktu in pang uh amaute a dingin leng thumsak ni.

**March 5 (Seppatni)** Mr. Ngam khotinthang @ Hengam, Thingkang phai Presbyterian Church, Evangelical College of Theology (ECT) a M.Div final year sin lelel May kha a lohchingtaka ahon zoh theihna dingin thumpih ni.

**March 6 (Sepnawnni)** Mr. Lamtin thang, Thingkangphai Presbyterian Church apan M.Div. first year Kerala a sinlel, lohchingtak leh haksatna tampi omthei mahleh kuhkaltaka a hon zoh theihna dingin thumsak ni.

**March 7 (Nilaini)** Mr. Lettinlal Misao, Peniel Presbyterian Church, Bijang tullel in Bharat Bible College, Hyderabad ah M.Th sin in omlel, lohchingtak leh lamzangtaka a sinna a hon zoh theihna dingin thumsak ni.

**March 8 (Ningani)** Mr. Thiankhan muan leh V. Shyampu Rayburn Presbyterian Church, ten tulelin Presbyterian Theological Seminary, Dehradun ah M.Div sinin om lelel uh, lohchingtaka a sinlaite uh a hon zoh theihna dingin thumsak ni.

**March 9 (Sintawpni)** Reformed Bible Institute saina Upa training leh Constitution kisinsakna lohching taka zoh ahithtak manin Pathian kianga kipahtu genni. Huan, sinsaka om banga gahsuaht leh lohchingtaka omna saptuam chiat a Upa ten a hon sepkhiak theihna ding un thumsak ni.

**March 10 (Kiginni)** Tutung i gam MLA kitelna leh Election result te puankhiak ahithtak ziakin kipahtu genni. A lohcingte i kipahtu banah lohsamte i thuakpih hi. Telchinga omte tungtawna gam leh nam puah leh khantouhna nasep sepkhiak a hong hihtheihna dingin thumpih ni.

**March 11 (Pathianni)** Mr. Ginkhenthang s/o (L) Nengzasuan of Zenhang Lamka Presbyterian Church, in B.Th sinlel lohchingtaka a sinna a hon zoh theihna dingin thumsak ni.

**March 12 (Seppatni)** Mr. Chin khenthang of Mualkoi Presbyterian



Agape Acts Board Members



Nu Rith, Director Agape Acts thugen lai

## BIAKNA TOH THUKHUN INKUAN HATSAK IN

-V. Nunlian

Heutupa Rev. G. Pau Muanthang in US a aomla a alawmpa' thum dan a gen in ngaihtuahna tampi ahon neisak hi. Huaibel.- "Good Morning Lord" chih ahi. Ka ngaihtuahna masa ah alawmpa tuh kamtam, ki-hithei sak hun tawk, kipilsak leh om velvul khat ahizhiak a Pathian bang le "Zingpha Toupa" chi teu-tau hidi'n ka koih!!

Ahia, "Good Morning Lord" chi thei di khop a Pathian toh kinaih a, Jehovah Kumpipa toh lawmta hih kan a ut huai dang khovel ah aom dia aw? Niteng-hunteng a Toupa toh kikhawl lou te'n "Zingpha Toupa" va chih teu-tau di phu kisak louhna a om. "Good Morning Lord" chih kammal in Toupa toh kinaih, lawmta, kithuah gige hinkhua a gen hi.

Hichibang a Toupa toh kinaih a, lawmta bang hial khop a kinaihna hinkhua tuh biakna ah ahong kipan hi. Kumpi David in thilhih di a neih peuhmah chiangin maitam doh in Pathian a be masa a "Toupa bang ka chih dia?" chi in a dong khial ngei kei (Uria zi tung a ahikhelhelh chihlouh)(I Kum.15:5). Pathian mah inleng David tuh a suang mahmah a, Israel kumpi dang baal bete a salh chiangin David ginom dan a genkhum mun mahmah hi.

Pathian biakna ah A thu bang a omna, A dante zuihna, Amah pahtawina, thuphatawinateng a pangkhawm (tel) vek hi. A tempul a va pai a amai a va kuun kia biakna ahikei, A thu leh A dan bang a

gamtatna (omna) leng biakna chikhat ahi. A thu (Bible) sim, A kiang a thum a hun I zatte teng leng biakna ahivek hi. Office kaite I Office kaina a ginom leh chitak-tak a Pathian lau kawm a I nna uh I sepna uh leng amah I biakna uh chikhat ahi a, huai bang geih in loukuan leh niteng a kilohte leng ahivek hi. Biakin pua I kan chiang ua mahni ut dan-dan a om a, khawlni a ek neilou bang zen a kichei a biakin sung a I va tut zet-zat un bang thupi luatna hon tun kei. I tatdan, I hunzatte leh nasepte ginom leh diktak a seem a Toupa I biak ding uh, huai bang geih a khawlni a alom a biakna (kikhopna) leng chitak leh khalam vualzawlina hoihpen tang dia Pathian I biak di uh ahi. Pathianni kia a Pathian' thu-awi chih khawng zaw zuau man.

**INKUAN BIAKNA:** Inkuan a biakna dan om hia, omlou chih ka buaipih pen ahikei. Himahleh, inkuan kikhopna ninhuai chih bel aom thei. Inkuan biakna I chih kitai (salh) hun ahikei. Pathian thu dik lua ngen pansan a I hoihlouhnate kikap vak chih khawng inkuan biakna dan a telkha ahiehlehle

paihkhia di'n hoih kasa. Kithuhilhna zadah hilou in, taihilh ngailou le hituanlou in. Ahun aom a, amun di aom bok. "Naupangte aw Toupa ah na nu leh na pa thu mang in" chih deuh reng le nektheih hetlouh dia gen veu theih ahi. "Na tate uh hihthangpai kei unla, Toupa thuzohna leh hoihna ah kem zaw un" chih simzom suk sek bek hilehang mate!!

Inkuan biakna i chih omdan tak zaw Toupa toh inkuan a kithuah hun, nuam tak leh Toupa a kipak khawm a hun zat hun ahi. Hiai hun ah kuapeuh aneu-alian in huntan kipahhuai a neih vek ding ahi. Mou in pasal' nu leh pa leh a sanggamte kap hun ahikei, Pa'n tate etsal gemgom hun le ahikei, Huai bang geih in tekpi leh tekpu'n le a heem a mounu salh hun ahituan kei. Kam zol thu a thum kawm a inkuante kap kawm dalhdalh a thumpih lua-lua hun le ahikei.

Hiai inkuan kikhop hun tuh lungsim siangthoutak pu a, khat leh khat kidopkang tuah hun, kipahtawi tuah hun, kipak leh lungsim mun khat pu a Pathian biak hun ahi. Inkuan hi in mimal hitaleh lungsim kihongtak a Toupa kiang a i buainate tutkhawm a, panpihna ki-ngetsak tuah sak hun, ki ngaihdam hun ahi. Huchia khalam leh salam a Toupa akipan vualzawlna i don hun uh, Toupa toh kipak tak a lawmta bang a i kithuah hun uh ahih ding ahi.

**MIPI BIAK KHAWMNA:** Abikinei Presbyterian te'n kisaktheihpih huai khop a hoih order of worship I nei uh. Liturgical Worship i chi ua, a hoih in a nuam a, a thutak huai kia hilou in, gahsua biik leh kilawmna nei, Bible apan kilakhia biakna dan ahihmanin zat luat ding ahi. Himahleh kei hon gen ut pen zaw biakna dante (a order) lampang ahikei. A thunei khat in a ut teng ahon ban gente ninhuai ka sak thu ahi zaw. Biakna toh thukhun inkuan hatsak taktakni i chih uleh, i biakna uh a nop di, afel di, lunglut huai tak a i hih di uh ahi. Biakna tuh nuam leh kipak tak a i thilhih peuh in Pathian kawh ahih ding, i biakna in mi ahiip ding ahi. Liturgical Worship chia pawng kisaktheih tuak hi in ka koih kei, huai liturgical worship pen bangchin in zang a, fel hia, nawngkai hia, mi khat thu a pai hia, a ut peuh in thu puang hia, chihte a hong poimoh tou pek hi. Liturgical worship a poimoh zahzah in i zat touh dan in thu a pua.

Thupuan hun tuh ahon sukonok pen khat ahi. Thupuan i chih sermon hun ahikei, mi'n a theisiam kei kha di uh chia gen kolhkolh hun ahikei. Kiteng sak dia ki-ngetnate, suangphuh honna adia chialnate aneen-aham a, "To The Moderator/Secretary, seppih heutu muan....." chia sim don-don a ngai kei. A poimoh teng, chialtute' min, a hun leh ni gen a hun ahi. Kamsiam a bangteng gen behlap ngai lou. Mai

lemsakna bangin tukum Presbytery tengteng kigawma khawmpi neihkhawm ding kum ahih toh kitonin kisakkholhna kipanta hi. Hiai kisakkholhna masapen dingin Rev. Lian C. Tombing in tuailaite makaih in Rev. H. Chin Thiansongin numei pawlte makaih in, a mau department chiatah committee kiformal chiatu uhi. Khawmpi program ding chiah genkhawm hi naikei mahleh, tuailai pawl, numei pawl leh department tuamtuantheihna khawmpi numtak a hong hih ngei i lamen hi. Hiai khawmpi ding toh kisai sum senna ding tampi muhkhoh theih om ahihmanin Rev. Khen Tombing in vai dangka digit guk tan bang thoh sawm ahih thu kiza.

**9. Agape Acts Ministry:** Nu Rithanglian Tombing makaihna a project kibawl khia AGAPE ACTS (Itna Nasep) kichi in masawn zelin February 22, 2012, Nilaini, nitaklam dak 3:00 in Rev. Khen Tombing inn ah Board memberte kithuahkhawmna leh Senior Citizente, leh WETE semtute toh ankuang umkhawmna neihpih hi. Hiai hun ah Nu Rith in Agape Acts toh kisai ministry leh nasep lelte reportna nei hi. Agape Acts nuaiah tulelin department thum om hi:

**i. WETE:** Women Empowerment and Transformation Enterprise, hiai in numei hindan kisia leh nek zonna ginatak neiloute dopkang na ding leh hihhatna dingin puankhui leh puangat kisinsakna pia hi.

**ii. Agape Home:** Naungek kemtu ding Nu leh Pa kichian neiloute kepna ahi. Tu lelin naungek 7 om hi.

**iii. Senior Citizen Fellowship:** Hiai ministry nuaiah, Pitek leh Putek kum 75 tunglamte kithuahkhawmna, a utut uh gentheihna hun, leh a duhduh uh nektheihna hun leh kithuahkhawmna ahi. Tuni Chiangtan in hiai fellowship tungtawnin Pitek leh Putek mi 50 velin hamphatna tangta uhi.

na nana a a theilou kuamah a om nawnlou ding khop a mi tallang leh eite hong it a hong veh mun mahmah Pu Ted leng tukum February leh March kawm tuah in Pathianni Kal nih vel om dingin hong zin nawn hi. Amah February 21, 2012 in Lamka hong tunga Rev. Khen Tombing in ah zintung hi. Program bawlsa bangin unau Meiteite lak a tanchin hoih nasepna ding sum leh pai tengteng amah ministry in sponsore ahi. Meitei mission field saptuamte laka khat Bualjang khua, Unaupa Kumarjit omna saptuam ah halhthakna chialpi February 24 – 25 sung neih ahi. March kal nihna vel in Lamka nusia in hong paisan nawn ding hi. Amah hong khualzinna lamzang leh lohching ahih theihna dingin thumni

Pu Ted a tangval tunglai leh a Upat nung limlak



**7. Rev. H. Chin Thiansong in bial veh ding:** P pai theih a ahileh Rev. H. Chin Thiansong, Presbytery Superintendent, Thanlon Presbytery in a bial March 10, 2012 akipan khia in bial vehna nei dingin hi. Bial vehna a aneih hun sung hun tamzaw nitak biakna kikhopte ah hunzangin a bial mipite leh saptuamte toh kithuah khawmna nei ding hi. Program lamzang taka a pai theihna dingin thumsak ni. Bial vehna program hiai a nuaia bang ahi.

Date.	Khua / Saptuam	Hun	
March 10, 2012 (Kiginni)	Tallian	Zan	giak di.
March 11, 2012 (Pathianni)	Thanlon	Zan	giak di.
March 12, 2012 (Thohtanni)	Bukpi	Zan	giak di.
March 13, 2012 (Thohlehni)	NE. Khodungsei	Zan	giak di.
March 14, 2012 (Nilaini)	Mimbung	Zan	giak di.
March 15, 2012 (Ningani)	Sinzawl	Zan	giak di.
March 16, 2012 (Ziltopni)	TPWC, TPWF, TPYF	Meeting,	
Sinzawl khua ah.			
March 17, 2012 (Kiginni)	Songtal	Zan	giak di.
March 18, 2012 (Pathianni)	Mualnuam	Zan	giak di.

**8. Khawmpi Lian nei ding kisakholhna kipan:** Khawmpi

tawm leh hih tawm a thil hih neet-nuut di ahikei, thupuang di bangle kiginkholh di, gentuak leh gentuak loute saikak a, a poimoh teng kia gen khiak geih di. Mipite bel ei sang a pil zaw tham a koih di. Mipite hai bawl a gen chet tuan-tuan louh di himai.

Huaibanah thupuan hun a saptuam mi iplah huai leh taihilh tuak omte le heem gen-gen louh ding. Saptuam van kuate hiam inkuan in hon khel in hon pezok kei ta le uh, huai khawng thupuan hun a amin ulah gen khe chiah lou, lah heem gen suk chihte khawng chiin het louh ding ahi. Kikhop hun lou a mimal vai a alemtheih kei tawp leh leng committee level a saifel theih sawm ding ahi. Biakna tuh kipak leh lungsim mun khat pu a, Toupa bia, amah toh nuamtak a kithuah na dia zat ding ahi. Thupuan hun khawng a i kikap tuah Chiang ua a bouruak hong tuamta, i biak dan uh lem nawn mahmah lou chih bang om thei hi.

Khalam a full kisa deuh i om bang un a full lou deuh le i om tham uh. Huaibang a dinmun kibang hetlou ngen paikhawm i hihna uah, lasak bang le khamitna a ngai a nih vei- thum vei vek non-non khawng a hoihpen ahikei. La thumvei i vek non ziak ua saptuam khangtoug chih I explain theih uleh bel thutuam. Biakna i chih, a gawng in le a neek theih di, a thau in le, huai bang in a dam thei lou leh a dam thei in le a

neek rual theih di ahi. La nih vei vek suak tei-tei lunggulhtu in, vek non thak-thak louh lunggulhtu mi tampi om ahi chih theih di ahi.

Thugen siam kisa mahmah, mi'n ngai peih hetlou!! Amak di e!! Thugen ngai peihlou teng Pathian thu awi lou ahi kei ua, thu gensa gen tuan-tuan a, a thugen di kigingkhoh loute khah thugen ngai peihloute sang in a iplahhuai zaw tham uh. Kha a hing, Pathian toh kinai mite tuh akampau uleh a tatdan na-tawm uh fel, pahtak huai ahi. Thugen sau teng ninhuai ahikei a, mi amau theihna suang a thu gen-gente ahi anin huai. Pathian thu ninhuai hilou in, a gentu ahi a ninhuai. Thugen a sawt-atom ziak a ninhuai ahikei zaw a, thugentu'n Pathian thu bangtak a agen louh Chiang a mipi'n ning hizaw hi.

Thohlawm lantu'n a thohlawm lat ma a "Toupa ka kikhopna uh a bul non patpih a" chia mi'n (hun pantu'n) a latsa teng ahon ban gen thak Chiangun ka na iplah. Thohlawm lan di in tuh a thohlawm mah a buaipih ding, kikhopna latsa lat thak-thak ngai teuh neuhseuh lou.

A complain hatte ta-ta a khami loute ahi i chih sek uh thei kawm in i paidan uh khek dia hoih ka sakte gen in ka hon complain zek ahive. Biakna toh thukhun inkuan hat sak seem i sawm uleh bel khami i sak louhte' gen le i ngaihkhia zek uh a kisapna aom khamoh kei ding.

## TOUPA AH NA MUANNA NGA IN

II Kumpipate 6:8 – 23  
Nu Sialvung

Suriate kumpipa'n Israelte sim dingin galguk bawlin koi lailai hiamah a na tang sek uhi. Himahleh Elisa in Israelte Suria sepaihte omna lama hohlou dingin a theisak zel hi. Huchiin Suria kumpipa tamveipi lohsam sek ahimanin hehin a thangpai mahmah hi. Huchiin a sikhate a samkhawma a kianguah: "Israelte lama pang om na hi uh" chi in a hang mawk hi. Kuamah Israel lama pang ka om kei uh. Himahleh kumpipa aw na dantan sunga na thugen, Israelte kiang Jawlnei Elisa a na hilh jel ahi chi in a gen hi. Huan kumpipa Suria in tua na mi gen uh koia om ahia? Vazongkhia unla ka kiangah honpi un chiin thu apia hi. Huan Suria kumpipa thupiak bangun a sepaihte Jawlnei Elisa man dingin a kuan ua Dothan khua a jan tun uhi. Elisa bel a sikhapa toh Dothan ah a om hi.

Huchiin Suria sepaihte'n jankhua in sakolte kangtalaite toh Dothan khua a um kimvel uhi. Hiai kumpipa Suria leh a sepaihte Jawlnei putek khat a kivatna leng savun puanaktual dildel khat silh a a kawng savun kawnggak a gak a chiangkun kawi ngingeu khat khun a, sikha khat kia nei hia: aman dinga a kisakkholh dan uh lamdang ka sa mahmah mai hi. Galhat hangsan man ding hileh kilawmin a omna khua a zanzanin a um ua, sakolte, kangtalaite in a um kimvel uhi. Ka lungsim in putek khat man ding huchi hahpan a ngaisam a ka chi hi. Khua a hongvak hunhun a Jawlnei man dingin theihtawp suahin a pang uhi.

Huchiin jingsang baihtakin Elisa sikhapa a thoua, innkonga a pawtkhiak leh, sakol toh, kangtalai toh khua tuh a

na umsuakta uhi. Huan, Jawlnei sikhapa a pu kiang a tailut nawna: "Ehe! Pu bangchi ding i hia?" chi in lau mahmahin a pu a vabel tetet hi. A pu in laudah maiin: "A maulama pang sangin ei lama pang a tamzotham" a na chi hithiat hi. Huchiin Elisa in a sikhapa'n amau lama pangte a muhtheihna dingin a thumsak hi. TOUPA aw amuh theihna di'n a mit haksak samve a chih leh, a sikhapa mit a hongvaka, a sikha pa'n Elisa kimvela a tang (mual) mei leh kangtalai leh sakolte amu ta hi. Huchiin Surai sepaihte Elisa man dingin a hong pai uleh, Elisa a thum nawna: TOUPA aw hiaite a mit uh tawsak vekin chia a thum leh, Suria sepaihte tengteng a mit uh a tawwekta hi. Huan Elisa a kiang uah a vapai a, hiai lampi ahi kei a, hiai leng khua ahi samkei, kei hon jui un na mizon uh kiang' ka honpi ding a chi hi.

**5. Phouchakhai Saptuam Iaklutna:** Presbyterian Mission Fellowship, Headquarters nasepna lohching tou zelin. Meitei gama nasepna gahsuh hoihtak i muhtheih tampite laka khat dingin January 29, 2012 nitaklam dak 1:45 in Phouchakhai saptuam Presbyterian Church in India (Reformed) in Mission field saptuam khat hi dingin laklutna neita hi. Hiai laklutna program Rev. H. Chin Thiansongin makaiha, Rev. Khen P. Tombing in laklutna a sai hi. Huan, Rev. G. Pau Muanthangin mission saptuam leh PCI (R) kizop ding dan a gen banah Elder T.S. Hangzo in laklut thaka om saptuam member te tunga kipathu gen in vaidawn hi.

Hiai saptuam ahileh Tedim Road, Kangvai khosak a om a hia, hun bangtan hiam paita apan Unaupa Momocha makaiha member 30 vel omna saptuam ahi.



Rev. Khen in Momocha Mierel Dite a prakul

**6. Pu Ted hong hoh nawn** Presbyterian Church in India(Reformed) sung



**2. Kilakna Laibu Seminar:** ITEM te toh i sepkhawmna uh paitou zelin hong tung ding July/August kha in nikuma “Preaching and Teaching” Seminar neitu mahin tukum in leng “Kilakna Laibu Pumpi” sinsakna hong nei ding hi. Hiai seminar ding toh kisai in Presbytery chiha apan palaite, Pastorte, leh Intern Pastorte telkim chiat dingin hon lamen hi. Amau hon lamet mai hilouin, tukum piching Nipi Skul ahihmanin telkim ngeingei dingin hoih ding hi. Huan, a hon sinsak ding thute eipau mahmah a i neihtheih hoihsakna a om manin, amah toh kithuzakin eipau a lehkhiaakna ding dan RBI Principal in ngaihtuah lallel hi.

**3. Photo Matching Zalakuai:** Nikum apan i buaipih diak u leh tukum January kha sung mawngmawng i haichilh phial uh MLA election a kizoh toh kiton in, zumna ding leh zahlak huai ding pipi hong kilang thak lailai hi. Kitelna pai ding dan toh kituak a Election Commission nasepna paitouzel ah, voter I card a lim leh vote khiak ni a lim kilate ettuakna (Photo matching) neih ahihna ah nuihzak huai khopa diklou muh khiak ahi (Sangai Express; February 13, 2012). Voter I card neitu numei himahleh vote khiak ni a lim kila pen ah pasal lim peuh tuang gega mawk!! Zumhuai mahmah, himahleh tamtak in bel khemkhem i sa kha maithei lai uhi. Hiai in khovel tawp chianga Jesu vaihawmna ma a i din hunchianga i om ding dan “i hihna bangbang” a hon taklat ding toh tehkhin theih hi in hon theisak hi. Khristian Pilvang in!!

**4. Lochingtakin Expository Seminar zohin om:** February 17 – 18, 2012 sungteng Bungmual EBCC biakin ah pawl tuamtuam apan mi 500 vel paikhawmin, Pastor leh Upate a ding leh thugen mite a dinga kisinsakna poimoh mahmah Thugen dan kisinsakna Pastor James Egan in nei hi. Hiai kisinsakna hun ah ei saptuam apan in leng Lamka leh a sehvel apan pastorte leh unnaupa Eugene H. Chinzahao vatel uhi.

**5. Saptuam nasepna pitu leitheihta:** Mimal kuapeuh in neih dia hoih mahmah Saptuam Nasepna Pitu lei theih dingin PCI Head Office ah omta a, bu khat ah Rs. 100/- a zuak in om hi.

Huchiin Samaria khua ah a pilutta hi. Khua a tun un Jawlnei a thum nawna: TOUPA hiai mite a mit uh haksakin a muhttheihna dingun” chi a athum leh a mit uh a hong vakta hi. Khua a muhtak un, a vek un galguk bawla mat a sawm pa uh, Israelte kumpipa huang sungah ana om uhi. Hiai sepaihte launa maizen un chia! “ Kuanglaia meh kithuk a bang lela uhi. Huan Isrealte kumpipa’n amuhin Elisa kiang: “Pu ka that vek mai diam? a chih leh, Elisa in that zenzen lou e. Nek ding leh dawn ding pia inla, a nek zoh Chiang un a pu uh kiangah kknawn uhen a chi hi. Huchiin, Jawlnei Elisa in thu a piak bangin Israelte kumpipan amah a dinga thilhoih a bawl ngeilou Suria sepaihte nek ding leh dawn ding a pia a, vahtak leh taitakin omsaka, huaizohin lungmuang leh khamuangtakin a pu uh Suria kumpipa kiang lamah paisak nawn hi.

Unaute aw hiai Lai Siangthou tungtawnin zil ding tampi i muthei hi. Miten hon douin i siatna ding tamveipi bawl mah le uh, i Pathian a i muanna i ngak a, amah toh i ton peuhleh, hon doute huhamin lauhuai mahleh, Eilsa bangin mihing mitmuhin simmohhuai in om mahlehang Toupa’n hon dou a hon galbawlte i khutsungah hon piak hun a om ding hi. Huai hun chiangin khelhna, khelhna in thuklouin omlehang, hon galbawlte leh hon

doute’n a tawpsanta ding uhi. Israelte kumpipan a khut sunga a galte a om laitakin that louin gilvah leh taitaka a omsak nung Suria kumpipa’n a dou nawn chih a om kei hi.

Unaute aw ngaihsun detdet in kisut thak le hang uthuai ka sa hi. Bangziaka Suria sepaihte gualzou le uh kilawma, guallel mawk uh ahi. Suria sepaihte galvan toh sakol leh kangtalaite ahi uhi. Hiai in a etsak mihing pilna leh, hihtheihna leh thahatna a ensak hi. A guallelhna uh tuh Elisa galvan neihzah a neikei ua, amau hihtheihna a muan ban uah, Elisa lama pangte a mu kei uhi. Elisa galvan tuh mei, kangtalai leh sakolte ahi uhi. A galvan uh kibangsim mahleh, Suriate’n Elisa neih a neihlouh uh tuh ‘Mei’ ahi. A hihleh Unaute aw, i khristian hinkhua ua i guallelh sekna uh bang hi ding ahia? Suriate’n Elisa kithopna mei a neihlouh uh bangin, nang leh ken leng Kha Siangthou i neihlouh Chiang un i guallel kha nak uhi. “Ngaiin mihing lampite’n TOUPA a suklungkim chiangin, a melmate nangawn amah toh kilem dingin a bawl hi” (Paunakte 16:7).

TOUPA’N a simkha kuapeuh gualzou hinkhua a hing dingin hon gualzawlta hen.

## GAM MIAL AW

Chinsuanmang, Missionary to Cambodia

*Tanchin zaksakna leh Thumna a phok ding*

PCI(R)Saptuam pumpi, ahong nawn ding i Toupa Jesu Kris min in Kumthak Chibai !

Noute Thumpihna leh sum leh paia na hon panpihnate uh jiaik in kou leng Dec. 21(2011) in Delhi khopi nusia in Thailand ka manoh ua, ka lawmte uh nasepna Maehongsong, Thailand ah Christmas va jang dinga ahon chial jiaik un nawnkaina om hetlou in Christmas te ka vazang uh. Kilam etlough pi in Pathian panpihna ziaikin Burma border ka vapha kha ua, huai a Thai army Commander pa'n Burma na hoh ut uleh kon hohpih ding hon chi hi. Kouleng ka ut thu uh ka gen uleh athawn in ka lawmte utoh honpi lut a, Shan state Burma ah saulou kava vak kha thepthup uhi. Vung bang Thailand, Burma leh Cambodia te aphak khak patna ahih ziaikin kipahna in a dim hi.

Tarik 29 Dec.2011 in Thailand khopi nusia in damtak in Phnom Penh(Cambodia) ka tung ua,azing in I nasep na mun uh SiemReap ka tung uhi. Pathian panpih na toh nasep te pan in ka buai thei mah2 uhi. Tukha(Feb.) ni khat in Cambodia a kumkhat om theih nawn na ding Visa ka mu ua, kipah huai mahmah mai. Pathian min Phat in om hen. Khalui in Deihskraftu Indian Malaysian te akipat in vualjawlna Tuk-Tuk second Hand khat a kilei hi. Nasepna ah akizang pah a, Pathianni a biakin hongkai ut paina ding Cycle tan bek neilou te ading in a phatuam diak hi.

Noute hon thumpihnate ziaikin gingtu bang hong kibehlap jel hi. Tukum thak January 22 ni in gingthak mi 4 te Baptisma a kipia hi. Chrsitian Fellowship of Siemreap(CFSR) a Pastor hihna len Ivor Greer in hong panpih a, amah phattuumngaihna jiaik in a gari te bang hon thoh a Barai Lake ah buaina om lou in hun a vakizang theih hi. Agam mi I seppih uh Beanshin zi ding Kim Heng ki chi inleng huai nni in Baptisma hongtang hi. Pathian min phat in om hen.

I Church Member uh Chenda leh Thavi te nu(Suos Phalty) in leng

## THU TUAMTUAM

**1. Pastor Seminar Lohchingtakin kizou:** Covenant Presbyterian Church, St. Louis, USA apan Pastor Ryan Laughlin leh Mike in Pastor ministry adia poimoh mahmah, thupi tuamtuam pansan in i Pastorte uleh a zite uh sinsakna hong nei uhi. Hiai seminar hun sungin Pastorte hoihtakin telthei ahihman un, Pathian saptuam leh belum a kepte chiat un ahong phattuampih ua, gah hoih a gahkhiak i lamen hi. A thu a hon sinsak mai uh hilouin RBI Library a dingin Laibu nih leh ESV Study Bible khat hon piakziak un leng a tung uah kipahthu i gen hi.

Huan, hiai training hun sungin Rev. Khen Tombing in mohpuakna leh mikhualte hon zintun sak banah, nitaklam teng a ann limtaktak hon nek pih gige ziaikin amah tungah RBI in i messenger tungtawnin kipahthu gen hi.



Pastors Seminar a telte

'Tun sung khat pan piang' i hih lam mangngilh nawnlou dinga i lungsim put sek uh deih dan kibatlouh zia kimelma bawl Ring Well tui peuh kitawi saklou, Inn luah peuh kihawlkhia, unau, inkuan, beh leh phung, insak in khang, indongta kal Saptuam tan pha kilang bawlnate ching nawnlouin, sepkhelh bawlkhelh, ngaihdan kituahlouhna omte Pathian in i khelhna hon ngaihdam bang ki ngaidam tuah chiat ta dingin. I tup leh ngim 'MOTTO' ding un 'PEACE, UNITY, LOVE' hileh i chi hi.

I tawpna taktak ding in chi kik lailai le hang Gospel Centenary zoh hapta kalkhat khawng a election om hileh tuh Candidate symbol leh Toupa Jesu symbol i khen thei dia, Mipi thuneihna (Democracy) Dan, Pathian Dan i zuisiam dia Saptuam leh Civil Societye'n leng i thupi tup leh ngim 'MOTTO' i mangngilh louh gintak huai hi. Ka kipahna mahmah election ding ma Ni in Rayburn NCC ten Uniform silhin Lamka khopi mike a kikouin "Election siangthoutaka neih ding, mahni vote khiak ding, vote guk louh ding, buaina bawl louh ding" chi in hong kikou ziahziah ua, Pathian in leng mu in za ding ahi chih ka ngaihthuah chiangin hon kipaksak mahmah hi. Lemchang le tuh singpi bek khilai ut huai kipathu i gen ngai hi. Maban 11<sup>th</sup>/12<sup>th</sup> election khawng chiang in

tuh mipi vote gu, zuak buaina bawl, leh candidate-te sum tam theipen neksak tum Sakol kangtalai galvan muang chihte om nawn kei dia huchibang mi khat leh nih a om khak lailai ta zenzen leh tuh dawi leh kau HIV/AIDS vei leh Dengue natna hik pua bangin khotang leh Saptuamten i mohpaih (comdemn) theita ding uh chih lametna hoih hon kipaksak in hon lungmuan hi. Hon'ble Member of Legislative Assembly (MLA) dingte aw, I deih bang a vote zong man louh ziak khawng a Mobile Phone SMS Internet khong a thuzuau peuh khawng a Vote zong bang na om khak zenzen ua leh leng MLA na hong hih chiang un Zomite Ni poimoh mahmah thupi theipen a i lopsek uh 'ZOMI NAM NI' District/State HOLIDAY ding Assembly ah hon passedta ngal un aw....."MLA i neih theihna ding leh i hih theihna ding in" Proxy Vote te Delete leh Delete louh, Repoll leh Repoll louh hita zen ei. Jona bang in i hihna kiphuang a, i Pathian i sap uh ngai hi, Ngapi sunga om keihkuih i gim lawta uhi. Laigelh leng Comic bu Kha (moon) det tunglai, khalik lai, kha man kuan, a gelh Negative/Positive khen kak haksa sim mahleh i tup leh i deih pente zaw, i thupi 'MOTTO' te uh mangngilh louh i zuih dik chiat tup ahi.

Eite'n mangngilh sek mah leh hang amau hon mangngilh lou uhi.

a tate Pathian a kipaktak leh nuamsa tak a om gige a muh chiangin a mah leng Jesu Khris tanchin thei nuam in hong kikhawm gige a, Baptisma atang ut thu hon gen hi, himahleh, ama nekzonna leh nasep hih dawi aisan te leh khut lam ette ahi a,tu leh tu in huai atawp san ut nai kei hi. Aman agen na ah, hiai tawpsan leng kasum muh na ding leh ka sung te kavaak na ding omlou ding ahih ban ah bat (debt) tapi ka nei a huaite ka hon dit khit a ngai ding a chi a, baptisma bel a ki pethei nai kei phot hi. A pathian biakte leh dawi nasepte tawpsana Pathian dik leh siangthou lama hong kihei pah

na ding in i Thumnate uah phawk ni. Apaita Jan.28 ni in unaupa Doun te khua Phum Thnal kichi a Biakna akipan hi. A nu Khristian hinailou leng aki hong mahmah a biakna nuamtak in va kipan hi. A khua ua amah(Doun) leh azi lou Khristian omnailou ahihna ah amau inn leh a khua uh Pathian kiangah lat khiaknate leng a vakinei hi. Huai khuua i school naupangte uh bangjah hiam leng hong tel ua phatna la Sappau a i sinsaksate uh leng a kisa khawm zaizai hi. Team memberte toh kithukimna bang in Sintawpni nitak tenga kikhopna neih di'n lem a kisa hi.



Baptisma piaklai,



Gari thak,



Ginthak baptisma tangte.

aban ah om lai

**Kipah thu genna dingte :**

- \* Toupa'n tuni tan damtak a hon kep jiajin.
- \* Kumkhat ading Visa a hon piak nawn jiajin
- \* Village nih a gingthak kibehlapte jiaj in.
- \* Village te a school hohtaka apai touh theih jel jiaj in.
- \* Thusia lasia innlam apat a kijak louh jiaj in.
- \* Kikhopna thak Khna Thmei a a kipat theih jiaj in.

**Thumna dingte:**

- \* School leh home church te tungtawn a i sepnate uh hong gahsua a, ma I sawn zelzel theih na ding in.
- \* Nupa lohching leh gahsua ka hong hihtheih na ding un.
- \* Chenda leh Thavi te nu ading in.
- \* Mi 4 baptisma tangthak te ading in.
- \* Salam leh Khalam ka hong damtheih zelzel na ding un.
- \* Mercy Support tu dingleh agam leh tawndan toh kituak a a ki-adjust hoih theih nadin.
- \* Feb.tarik 19 a gami i seppih Beanshin koppih neihna ding ah.
- \* I Team memberte uh Mercy, Richard leh Saman te tarik 24<sup>th</sup> Feb.- 17<sup>th</sup> \*
- \* April a Thailand a Cross cultural Missionary Training na a buaina bangmah omlou a a tel theih nading un.
- \* Kha lui in i church member uh nu Ming Mary(kum 60vel) in honna beisan a, a nawtsiat apasal leh a tate adingin Khamuanna ngetsak ni.

Kipah huai mahmah ei... Toupa'n navek un hon vualzawl chiat ta hen aw.

*Toupa gam adia naseppih itt uh,  
Mang leh Mercy Vung  
Siemreap, Cambodia*

**Kilakna Laibu Seminar:** ITEM te toh i sepkhawmna uh paitou zelin hong tung ding July/August kha in nikuma "Preaching and Teaching" Seminar neitu mahin tukum in leng "Kilakna Laibu Pumpi" sinsakna hong nei ding hi. Hiai seminar ding toh kisai in Presbytery chiha apan palaite, Pastorte, leh Intern Pastorte telkim chiat dingin hon lamen hi. Amau hon lamet mai hilouin, tukum piching Nipi Skul ahimanin telkim ngeingei dingin hoih ding hi. Huan, a hon sinsak ding thute eipau mahmah a i neihtheih hoisakna a om manin, amah toh kithuzakin eipau a lehkhiajna ding dan RBI principal in ngaihtuah lellel hi.

lehang Superintendent of Police (SP) kiang FIR chiamteh a hon lock-up maile uh kilawm tel hi. Hehsa, thangpaise leh hang kawm leh thuzuau khawng a vote zong chi zenzen le lah Candidate Association khat hon phuan ua Police hon matsak khak ding uh lauhuai sim zel. A vualzoh uh vuallelh uh gen pha khang, Setan/diabol vualzou kisa in Khrist vuallel kisa na mai in chia.

Pathian thugen (Pulpit Sermon) i thugensate khawng bei hiau, i gen ngam lai diam? Upa ordain khenkhatte Sacrament hawm maw? Candidate sum hawm, BYF, BCD, heutute Khristian Tuailai heutu maw? Volunteer Commando. Dorcas makaite napi un Evi banga puansilh nihvei thumvei khek ziahziah ngap a vote gupeih Mahila/ Women Wing makai, mission committee kha mangthang ding it maw? Cadidate khat mangthang ching lou ding it. Mission Worker maw? Candidate worker. MLA Term kum nga leh damsung kum, Sunday forty five minutes Khristian. Uniform silh a laa pawlsa Gospel Album CD i bawlte MLA/Pathian kua pahtawi nang? Maban ah Biakin sung TV khawng a mite'n hon muh chiang un Candidate pa mel leh Pathian mel koi a mu zaw ding ua? Bial veh Social Work ding hong dek i sak leh Vote zong hi daih!! Pawl tuamtuum a i hihna teng Political

Party bang mai a election hun chiang a candidate te kianga khawng bei mai ding maw? I thupu 'MOTTO' bang ahia? i zui khana hiam? Civil Society Philanthropic Social Organization Village Authority Saptuamte, MLA Candidate te i adviser u hiam? chih theih hial hi. I ta i naute kiang ken Vote gu in zuau gen sum in kizuak mah leng "bawite nou zaw aw"..... Pasal khat pepeuh kiang kizuakin zuau gen in hong guta mahmah kei un chih ding hi mai.

Election zouta, "The Sangai Express" khawng i et leh EPICs ah Numei lim/ Pasal lim V/S Numei lim, Churachandpur dist. ah numei vote Sawm sagih leh guk vei khia bang om, gold medal piak tak mahmah, 'Numeite mah hizel ei. Mihing bawlsa machine/Computer in hiai bang a hon matkhiak theih leh Pathian in hon mu in hon mankhe hoih na tel in chia. Khotang Saptuam heutute Photo bang hong kitaklang phiauphuau mawk leh zaw....Khristiante lak ah nam tuamtuum saptuam pawl tuamtuum omte lakah kua nam Saptuam in vote gu tampen in dikloutakin MLA hong hi tampen dia? a percent (%) in kuat khia in. Result hong suak dia kua hiam Proxy Vote in hong ching ngei dia, a lohching vualzoute leng vualzoh dan siamin, a lohsam vuallel ten leng vuallelh dan siamin, kua peuh Khristian i hih lam leh

**ASSEMBLY (MLA) ELECTION V/S GOSPEL CENTENARY**

Nemzakhup, Hangshing, New Lamka, Hebron Veng, CCPur.

"MLA Candidate symbol leh Jesu Symbol" Political Party V/S Civil Social, Philanthropic Organization, Village Authority Act, "leh Saptuam" "Election Model code of Conduct, Pathian Dan, Democracy Dan" "Nang mimal a na om khak chiang bang, Khotang Civil Society, Gam leh Nam Politics lam a na om khak chiang bang, Biakna Saptuam lam a na om khak chiang bang in, bang lungsim pu in, bang thupukna nasep kalsuan leh kampau na zang zelzel a? Hiaite ahi na om khakna hun dungjui a, hon lohching sak leh hon loh samsak, hon susetu leh bawl hoihtu"

Election Commission of India in election hun ding hon bikhiak leh hong nai guih ban in Model Code of Conduct khauh pai bang in nidang bang lou a election system hong tuam zawk mah chiangin, Candidate te hamhah gawp un, Jona Ninevi Khopi a tai kawm a Pathian thugen mah bangin, election Urgent taikhawm in vote zongin, koilam ah hon panpih thei om a chi in suah, tum, sim leh mal kawmtuah vengvung uhi. Mipite lah Candidate te sum deih in "Ka tanaute ka behte, ka puzonte, meltheihite, Inn 20/30 om vote 100 val om" chi in min list khawng tawi in candidate te kianga buai thei mahmah uhi. "Amaute ka thuthu" chi zomah lai theih louh kal a inn veng kua hiam khat in hon zuak khak ding lauhuai hi.

January 28, 2012 election ni hong tung petmah tuh zing 7:00am leng ngak zoulou 3:00am khomial

lai apat polling station a kivual dim khin, kipan pah ngal kisual, kivua Kungfu himai. Zomi/Kuki kidou khekleh tum i hi ua hia? chih louh theihlouh. Aw haw..... Gospel Centenary Saptuam Denomination sawmniehlehni (22) valte leh Nam (Tribe) chihthe'n khelhna thupha tawi, tatsatlou a, khupboh khukdin a Pathian kianga kap zen a i thum lai ngaihhuai hina e.... a mite lah kibang hi vek, Pathian in hon nak etna mai in chia, chih lel in om hi. Kua piangthak, kua Saptuam, khotang heutu leh kua khamtheih hih zungolvei, numei kizuak theih chet ding hi lou, Pentecost ni a kha tangte bang mai, Election ngolvei kua candidate in bang hon pia, hon nesak, dawnsak a bum hai a maizen a, Candidate pa thugen leh Pathian thugen koi a dikzaw in koi a zuihtak zaw dia? Nidang lai Candidate te tuh a nunnem ua, a migi ua, a kamsiam ua mipi itna leh lainatna in a dim uhi. Tu hun chianga te tuh vote kei

Bible Study:  
Lev.19:11-18

**AMAH LEH PATHIAN KAL**

-Eugene H Chinzahao

"Mial thil hih gah neiloute lakah tel ke'nla, taihilh jaw in" (Eph.5:11)

Tulai in i lak uah, "Amah leh Pathian kal" chih bang, "Kei leh Pathian kal" chih bang a kithangsak mahmah hi. Hiai pao kithang mahmah in a gen tup bang ahia? chih bang na ngaihtuah ngei uhia? A gen tup tak tuh, mite khelhna buaipih hiam thuhilh hiam, taihilh kei ni, amah ut thu ahi a, Pathian in a lohloh na in teh, chihna ahi. Aleh lam a gen in, hiai in, khelhna poisak louhna, phajesakna a tun hi. Ahihleh, mite khelhna hiam, eimah mimal khelhna bawldik, hihdik tupna om hetlou a, khahzan a pomzam dia Pathian in hondeih hiam chih i Laisiangthou ua kipan suichian lehang ut-huai ka sa hi.

Adiakhol in, mi tampite'n i heutute uh khelhna thei mah lehang, a kiang uah a diklouhna uh i gen ngam kei ua, i impih khelkhal uh hi in a lang hi. Ahi a, impih mah lehang, a theilou kuamah i om kei ua, heutute khelhnate muh leng a baihlam kholdiak hi. Khenkhatte a khelhna uh i genkhak chiangin, kibawlhohi sawmlou in, Pathian kianga ngaihdam nget a, a deihlam sem dia kipelou in, i khelhna gentu leh taklangtu i mudah uhi. Bangjiak a Kumpi David 'Pathian' lungsim bangpu' chih a om ahia? Pathian lungsim tuh, mi a khelh chiang ua kisik a, ngaihdam ngen a, a hindan leh omdan, gamtat hoihloute hih nawnloute a kipahpih jiak a, 'Pathian lungsim bangpu' chih a om ahi chih i thei uhi.

I theih diing ua poimoh mahmah tuh, saptuam sung a khelhnate thunun lou a i koihdap

uleh, a thunun thei dia thuneihna honpetu Pathian in eite tungah leng thununna a honpe thei chih a kilang hi. Huai omdan bel, Ephesate 4:28 i simleh, "Guta in jaw gu nawnta kei heh, tasam kiang a piak diing a neih theihna diingin, a khut in semgim jaw hen" a chih i mu uhi.

Hiai Levitikas 19:11-18 hoihtakin sim in. Hoihtak a na simkhit chiangin, "Amah leh Pathian kal" chih hiam, "Kei leh Pathian kal" i chihthe uh i chi dik na uhiam, hoihtakin tal sawn jen in ngaihtuah in. I chang pansan uah, mite khelhna thu ah na sal, taihilh diing, a chi hi. Paula in Timothy kiangah, "Thil hihkhial mi tuh, mi tengteng ma ah sal in, midangte'n leng a lauh theihna diing un" a chi. (1 Tim.5:20) a chi hi.

**1. Khelhna taihilh a thunun diing:** Mite khelhna impih malak a, ahihkeileh, pauhual malak a, gen a

taihilh a, thunun dia thupiaki i hi uhi. "Amah leh Pathian kal" chi a phaje sa hiam, bawlhohi tumlou a daih maimai chi ahi kei hi. Mite khelhna bawldik kichi Pathian deiham sepkhiakna ahi. (Eph.5:11; 1 Kor.5:1-13; 1 Tim.5:20; Kil.3:19; Mt.18:15-18)

## **2. Khelhna ngaihdam nget diing:**

David in leng Uria ji luppiah, huai ban a, a pasal gal matawng a pangsak a, a thah lai in, Jawlnei Nathan in hiai a khelhna thu a hem a gen masa sim zojen in a vatun hi. Huchi in, David in, a khelhna thuphatawi in, ngaihdam ngen in, Toupa lam a nga hi. Khelh ngaihdamna i nget Chiang ua, hunsak mailou in, i khelhna uh i tawpsan sipsip uh a ngai hi. David in leng a khelhna a sunzom nawn kei hi. Thil dang ah khialkha nawn mahleh, numei tung a khelhna a hih nawn kei hi. (2 Sam.13:12,13). Huchi mah bangin, eite'n leng, i khelhna mi'n a gen Chiang ua heh mailou in, ngaihdam ngen in, khelhna tawpsan sipsip in Pathian lam i naih diing uh ahi jaw hi.

**3. Khelhna thuahnih ahi:** Hiai a khelhna thuahnih i chih tuh, "Amah leh Pathian kal" chi a bawldik i sawmlouhna uh khelhna masa ahi a, huan, huai mikhial i salh hiam, i taihilh hiam, i thunun pen in, a khelhna a tawpsan keileh, khelhna thuahnih ahi. Mite khelhna na tai kei a, na salh kei a, na thunun keileh,

khelhna ahi masa a, huan, a khialmi pen a kisik keileh, khelhna ahi nawn hi. "Amah leh Pathian kal" chi a daihsan mai tuh, a chitute aa dia khelhna ahi nawn hi.

**4. Khelhna gahsua:** "Amah leh Pathian kal" hiam, "Kei leh Pathian kal" ahi chi a, kisiamtan mai tuh, Pathian in hon-gawt diing ahi, chih thei lehng. (Heb.12:5-11). Nang a thunun utlou, a taihilh utlou, a sal utlou mi tuh, Pathian in a honsawl na juilou na hihmanin, khelhna ahi a, huaijiakin, Pathian in a honthunun diing hi. Huaibanah, na salh a, na taihilh a, na thunun a, a khelhna a kisik kei a, a tawpsan keileh, Pathian in a gawt diing, chih chiantakin a kilang hi.

**5. A hun lai in semkhia ni:** Pastor pension khenkhatte'n, a pension ma un, "Ka pension Chiangin hangsantakin thu ka gen diing" khawng a chi mawkmawk uhi. A hun a phat a gen ngamlou a, pension chia gen ngam pan diing ahih uleh, amau leng mihing mitmei veng ahi ua, huaijiakin, a hun lai a a genlouh u tuh, khelhna ahi pah hi. Laisiangthou in, "Bangkim aa diingin hunseh a om tuam" (Ekli.3:1-3) achi hi. Hiai thumal, 'Bangkim' kichi in tu a i thugen jong a huam pah hi. Na pension Chiangin, a gen a kikhelkha thei hi. Huai khelhna na gen ngamlouh tuh, na pension Chiangin a vaigei gawp dia, a se diing

teng leng a se vek diing hi. Sawltak Paula in jong, a huntak a gen a kul chih a thei a, "Hangsantak a thu ka gen theihna diingin, honthumsak un" a chi hi. (Eph.6:19).

**6. Bang a na ngaihdan:** Hiai thugelh, "Amah leh Pathian kal" kichi toh kisai in na ngaihdan bang ahi? Hiai a kigelh dik na sa hia? Ahihkeileh, "Amah leh Pathian kal" chi a, khelhna ngaihsak louh, thuhilh louh, taihilh lou leh thunun louh mah a dikjaw na chi hia? Ezek.3:18,19; 33:8,9 hohtakin sim in. "Mi gilou kiang a ka thu, Na si mahmah diing ahi, ka chih a, huai mi gilou a hinna hum dia, a gitlouhna lampi tawpsan dia, na vau louh a, vauna thu leng na hilh sam kei aleh, huai mi gilou a gitlouhna a a sihleh, a sisan moh na tungah ka honsik ngeingei diing ahi. Himahleh, huai mi gilou na vau a, a gitlouhna tawpsan a a om aleh, a gitlouhna lampi a tot lailai aleh, a gitlouhna ah a si dia, nang bel na hinna na humbit diing hi"

Huaijiakin, simtu it leh deihtak, hiai thu in, "Amah leh Pathian kal" chi a i gen minthang uh a that hit-het hilou hia? Hiai thu na sim a kipan in, na kisiamtan lailai diing hia? Huaijiakin, Setan pilna zangin jaw paulam bawlbawl nawn kei ni. Mi khelhna ah jaw ka kikum kei diing chi nawn ke'n. A khelhna uh a tawpsan theihna diingua mohpua nang na hi. "Amah leh Pathian kal ahi" jaw chi nawn mahmah ke'n.

"Amah leh Pathian kal" hiam, "Kei leh Pathian kal" chihte jaw khelhna poisak louhna, awi-amna ahi. A khelhna uah a si diing ua, Pathian in a moh honkhusak diing hi. Huan, "Kei leh Pathian kal" na chih aleh, na khelhna ah na kisik kei, tawpsan leng na sawm kei, chihna ahi.

Huai kia thamlouin, Laisiang thou ah, khelhna hihte taihilh, salh leh thunun diing thu a honhilh a, huaibanah, a khelhna a uang lua ahiah aleh, nohkhiak diing ahihdan leng hilh in i om uhi. Huaijiakin, nungak leh tangval ki-it kingai a kristian danlou a kiteng dan pua a I koih kia uh hilou in, Ju leh khamtheih juak, guta, negu, tualthat leh khelhna dang hihte leng taihilh, salh leh thunun ban a dan pua a koih a, hawlkhia diing ahi uhi. Huaijiakin, hichi bang khelhnate tung a I hih diing ua thupiakte i zuih kei uleh, a mohna uh, a khelhna uh i tungah Pathian in a honsik sin ahi.

Huaijiakin, Pathian in thu a honpiak i zuih diing uh ahi. "Thu ka honpiak tengteng jui diingin thuhilh un" chih leng i mu uhi. (Mt.28:20). Jesu'n, "Keimah a na om ua, ka thu leng noumau a a om gige leh, na utpeuh uh ngen un, hihsak in na om diing uh" (Jn.15:7) chih ahi nawn hi. Huaijiakin, tuban jaw 'Amah leh Pathian kal' hiam, "Kei leh Pathian kal" chi in kisiamtan nawn kei ni in, huan, khelhna leng ngeingaih lou in om nawn kei ni.